



Broj: 01/8-50-3-39-23/26

Sarajevo, 11. 2. 2026.

Orijentacioni radni plan

Komisije za borbu protiv korupcije

Predstavničkog doma Parlamentarne skupštine Bosne i Hercegovine za 2026.

Sarajevo, januar 2026.

Na osnovu člana 49a. stav (2), a u vezi s članom 65. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 87/23, 50/24, 73/24 i 56/25), Komisija za borbu protiv korupcije Predstavničkog doma Parlamentarne skupštine Bosne i Hercegovine je na 23. sjednici, održanoj 11. 2. 2026, usvojila

Orijentacioni radni plan

Komisije za borbu protiv korupcije

Predstavničkog doma Parlamentarne skupštine Bosne i Hercegovine za 2026.

Komisija za borbu protiv korupcije Predstavničkog doma Parlamentarne skupštine Bosne i Hercegovine (u daljnjem tekstu: Komisija) osnovana je Dopunom Poslovnika Predstavničkog doma Parlamentarne skupštine Bosne i Hercegovine, koja je usvojena na 31. sjednici Predstavničkog doma Parlamentarne skupštine Bosne i Hercegovine, održanoj 27. 7. 2022. („Službeni glasnik BiH“, broj 53/22).

Komisija u 2025. godini planira održati 12 sjednica. Sjednice Komisije održavat će se u skladu s kalendarom sjednica Predstavničkog doma. Na dnevnom redu sjednica Komisije bit će svi prijedlozi zakona i drugi akti koje Kolegij Doma dostavi Komisiji s obzirom na njenu nadležnost, kao i akti koje samoinicijativno dostave građani i institucije.

JANUAR – MART

a) Zakonodavna aktivnost:

- Razmatranje prijedloga zakona koje Kolegij Predstavničkog doma Parlamentarne skupštine BiH dostavi Komisiji, u skladu s njenom nadležnošću propisanom u članu 49a. Poslovnika Predstavničkog doma Parlamentarne skupštine Bosne i Hercegovine.

b) Ostale aktivnosti

- Izvještaj o radu Komisije u 2025. godini;

- Izvještaj o radu Vijeća ministara BiH za 2024. godinu;
- Orijentacioni radni plan Komisije za 2026. godinu;
- Organizacija i provođenje javnih saslušanja te razgovori s predstavnicima institucija Bosne i Hercegovine, po potrebi i s drugim svjedocima. Uporedo s provođenjem javnih saslušanja i razgovora sa svjedocima Komisija će tražiti i potrebnu dokumentaciju i informacije te će zaprimati dokumentaciju koju samoinicijativno dostave građani i institucije;
- Razmatranje informacije Uprave za indirektno oporezivanje BiH, Ureda za reviziju institucija BiH, Ministarstva finansija i trezora BiH i Vijeća ministara BiH o pitanju koje su obavezni dostaviti, na zahtjev Komisije, a odnosi se na radnje, odluke i aktivnosti koje su provodili ili po kojima su postupali u vezi s planiranjem, odobravanjem i realizacijom višegodišnjeg projekta nabavke i izgradnje objekta za Regionalni centar Banja Luka i Glavni ured Uprave za indirektno oporezivanje BiH u Banjoj Luci.

APRIL - JUNI

a) Zakonodavna aktivnost

Razmatranje prijedloga zakona koje Kolegij Predstavničkog doma Parlamentarne skupštine BiH dostavi Komisiji, u skladu s njenom nadležnošću.

b) Ostale aktivnosti

- Razmatranje izvještaja Ureda za reviziju institucija Bosne i Hercegovine o finansijskoj reviziji institucija Bosne i Hercegovine koji su negativni, kao i mišljenja s rezervom i mišljenja s rezervom sa skretanjem pažnje, te nerealizirane ili djelimično realizirane preporuke finansijske revizije;
- Organiziranje i provođenje javnih saslušanja te razgovori s predstavnicima institucija Bosne i Hercegovine, po potrebi i s drugim svjedocima. Uporedo s provođenjem javnih saslušanja i razgovora sa svjedocima Komisija će tražiti i potrebnu dokumentaciju i informacije te će zaprimati dokumentaciju koju samoinicijativno dostave građani i institucije;
- Provođenje parlamentarnog nadzora te praćenje aktivnosti i razmatranje pitanja koja se odnose na Agenciju za prevenciju korupcije i koordinaciju borbe protiv korupcije, a u skladu sa Zakonom o parlamentarnom nadzoru;
- U skladu sa svojim nadležnostima, Komisija će sarađivati s pravosudnim institucijama i organima za provođenje zakona na nivou Bosne i Hercegovine na polju borbe protiv korupcije, kao i sa sličnim komisijama i parlamentarnim tijelima drugih zemalja i međunarodnih organizacija, GRECO-om, GOPAC-om, te stranim zvaničnicima po pitanju borbe protiv korupcije.

JULI – SEPTEMBAR

a) Zakonodavna aktivnost

Razmatranje prijedloga zakona koje Kolegij Predstavničkog doma Parlamentarne skupštine BiH dostavi Komisiji, u skladu s njenom nadležnošću.

b) Ostale aktivnosti

- Izvještaj o radu Vijeća ministara Bosne i Hercegovine za 2024. godinu, u dijelu koji se odnosi na aktivnosti iz djelokruga nadležnosti Komisije;
- Organiziranje i provođenje javnih saslušanja te razgovori s predstavnicima institucija Bosne i Hercegovine, po potrebi i s drugim svjedocima. Uporedo s provođenjem javnih saslušanja i razgovora sa svjedocima Komisija će tražiti i potrebnu dokumentaciju i informacije te će zaprimati dokumentaciju koju samoinicijativno dostave građani i institucije;
- Provođenje parlamentarnog nadzora te praćenje aktivnosti i razmatranje pitanja koja se odnose na Agenciju za prevenciju korupcije i koordinaciju borbe protiv korupcije, a u skladu sa Zakonom o parlamentarnom nadzoru;
- Učešće i organizacija konferencija i seminara koji se odnose na oblasti koje su u nadležnosti Komisije;
- Organizacija radne posjete ministarstvima Bosne i Hercegovine, Tužilaštvu BiH, Visokom sudskom i tužilačkom vijeću BiH, Sudu BiH, Centralnoj izbornoj komisiji BiH, Agenciji za prevenciju korupcije i koordinaciju borbe protiv korupcije i Uredu za reviziju institucija BiH te drugim institucijama koje u svom planu rada imaju mjere za borbu protiv korupcije.

OKTOBAR – DECEMBAR

a) Zakonodavna aktivnost

Razmatranje prijedloga zakona koje Kolegij Predstavničkog doma Parlamentarne skupštine BiH dostavi Komisiji, u skladu s njenom nadležnošću.

b) Ostale aktivnosti

- Organizacija posjete parlamentarnim tijelima drugih zemalja čija je nadležnost borba protiv korupcije;

- Kontinuirano podsticanje aktivnosti u institucijama Bosne i Hercegovine usmjerene na borbu protiv korupcije;
- Jednom godišnje Komisija će tražiti informaciju nadležnih institucija o statusu predmeta koji su razmatrani na sjednicama Komisije, kao i informaciju institucija Bosne i Hercegovine o njihovim aktivnostima na planu borbe protiv korupcije;
- Komisija će razmatrati i druga pitanja iz oblasti borbe protiv korupcije.

Međunarodne aktivnosti

Članovi Komisije učestvovat će na konferencijama i seminarima iz oblasti koje su u nadležnosti Komisije. Također, Komisija će razmatrati pripreme za učešće delegacija Bosne i Hercegovine u međunarodnim skupovima koji se odnose na provođenje međunarodnih obaveza Bosne i Hercegovine na polju borbe protiv korupcije, sukoba interesa te drugih oblika koruptivnog djelovanja.

Komisija može, po potrebi, odstupiti od ovog orijentacionog radnog plana kada to situacija nalaže odnosno kada iz njenog rada i nadležnosti proisteknu druga pitanja koja je neophodno razmotriti.

PREDSJEDAVAJUĆI KOMISIJE

Branislav Borenović